



49 općina  
u  
7 kantona u FBiH i 5  
regija u RS



245  
lokacija  
pokriveno



385 migranata  
izvan centara  
od  
ukupno 386 ispitanika

23. februara 2022., deseta zajednička vježba provedena je od strane IOM-a u Bosni i Hercegovini (BiH) u saradnji sa Službom za poslove sa strancima (SPS), uz podršku Crvenog križa Federacije BiH (CKFBiH) i Crvenog krsta Republike Srpske (CKRS) kako bi prikupili informacije o broju migranata i tražioca azila koji se trenutno nalaze u državi. Svrha ove redovne vježbe je da se pruži okvirni broj migrantske populacije koja nije smještena niti registrovana u jednom od Privremenih prihvatnih centara (PPC) u bilo kojem trenutku.


Raspoređeno je ukupno četrnaest timova, sačinjenih od 46 popisivača (33 muškarca, 13 žena), uz dodatnih 11 inspektora SPS-a (7 muškaraca, 4 žene) i 13 uposlenika CK, 2 (muškarca) iz FBiH i 11 iz RS-a (9 muškaraca i 2 žene). Vježba prikupljanja podataka je provedena u 7 kantona Federacije Bosne i Hercegovine (FBiH) i drugi put na 50 lokacija unutar Republike Srpske (RS). Ukupno je posjećeno 245 lokacija u 49 općina, i to: 81 lokacija u 4 općine Unsko-sanskog kantona, 47 lokacija u 6 općina Kantona Sarajevo, 36 lokacija u 10 općina Tuzlanskog kantona, 22 lokacije u 5 općina Hercegovačko-neretvanskog kantona, 4 lokacije u 4 općine Zapadno-hercegovačkog kantona, 3 lokacije u 1 općini u Bosansko-podrinjskom Kantonu Goražde, 2 lokacije u 2 općine u Kantonu 10, 8 lokacija u Zvorniku, po 4 lokacije u Bijeljini i Kozarskoj Dubici, po 3 lokacije u Foči i Vlasenici, po 2 lokacije u Banja Luci, Bratuncu, Gradiški i Kozarskoj Dubici, te po jedna lokacija u Milićima, Kostajnici, Han Pijesku i Prijedoru. (vidi Mapu na str.2).

## DEMOGRAFIJA I LOKACIJE

Ukupni broj uočenih migranata na posjećenim lokacijama je **386**, od koji je **385** izjavilo da nisu smješteni ni u jednom od PPC-a u BiH.

Broj migranata u Rundi 10 ostaje relativno nizak, što je u skladu sa prethodnom rundom, a što se može objasniti zimskim uslovima koje karakterišu niske temperature. Ovoga puta Crveni krst Republike Srpske (RS) je također uzeo učešće u vježbi prikupljanja podataka, što je povećalo broj angažovanog osoblja. Nadalje, unatoč povećanom broju posjećenih lokacija u Rundi 10, sa 205 na 245, a zahvaljujući vježbi mapiranja koju je proveo IOM u Kantonu Sarajevo sa ciljem identifikovanja dodatnih lokacija na kojima migranti obitavaju, broj uočenih migranata je ostao nepromijenjen. Međutim, procenat praznih lokacija se sa 74 smanjio na 71 posto. Kao i u prethodnim rundama broj migranata koji su izjavili da nisu smješteni ni u jednom od PPC-a je i u Rundi 10 blizu 100%.

**Afganistanci (36.1%) i Pakistanci (24.1%) čine dvije najzastupljenije nacionalnosti van PPC-a u BiH**, zatim slijede Iračani (9.6%), Marokanci (8.3%), Iranci (7.4%) i Alžirci (7.7%). Ostale nacije po zastupljenosti su: Islamska Republika Iran (4.6%), Kuba (2.8%), Egipat (1.8), Turska (1%), te Indija, Kolumbija, Gvineja, Libija, Gambija i Gana koje čine manje od po 1% migranata van PPC-a. U poređenju sa prethodnom rundom broj Afganistanaca se povećao za tri posto, dok se broj Pakistanaca smanjio za više od šest posto. Zabilježeno je i značajno povećanje broja migranata iz Alžira za više od sedam posto i sa Kube, koja je sedma najzastupljenija nacija mapirana tokom vježbe. Osamnaest posto (2) mapiranih Kubanaca su dječaci, djeca mlađa od osamnaest godina.



1. Služba za poslove sa strancima koja je nezavisna administrativna jedinica unutar Ministarstva sigurnosti je odgovorna strana za registraciju svih stranca na teritoriji BiH, kao i za izdavanje atestacija, uključujući atestacije za one koji izražavaju želju za azilom. Ministarstvo sigurnosti je također odgovorno za upravljanje Imigracionim centrom i privremenim prihvatnim centrima na području BiH.

2. Kako nije vršena provjera dokumenata tokom provođenja vježbe, pod migrantima također podrazumijevamo izbjeglice i tražioce azila.

Statistički podaci o spolu i dobnoj skupini pokazuju da većinu migranata izvan PPC-a čine odrasli muškarci (319), zatim odrasle žene (128), dječaci (22) i djevojčice (16). Općenito, **odrasli muškarci predstavljaju 83 posto migrantske populacije identifikovane izvan PPC-a u BiH**. Najviše djece je porijeklom iz **Afganistana (41%)**, zatim iz Iraka (39%), Islamske republike Iran (7%), Kube i Egipta (po 5%), Alžira i Maroka (po 3%).



**2,027 migranata smješteno u PPC\***

**3,253 slobodna kreveta dostupna u PPC**

\* Informacije na dan 23 Februar 2022



U Rundi 10, od ukupno 139 migranta iz Afganistana, **70 (50.3%) je izjavilo da su porijeklom iz provincije Kabul**, zatim 25 iz Nangarhara (18%), 19 iz Balka (13.6%), 8 iz Hira (5.7%), 4 iz Farjaba (2.6%), 2 iz Nimroza (1.4%), i po 1 iz Kandara i Paktja (manje od 1%). Za četiri osobe (2.8%) provincija porijekla je nepoznata.

**Većina uočenih migranata (351 ili 91% ukupno) je izjavila da su u BiH ušli iz Srbije**, 23 iz Crne Gore, 3 iz Albanije, dok je za 8 migranta ovaj podatak nepoznat.

Prema posjećenim lokacijama, **većina migranata je pronađena u privatnom smještaju kojeg mogu koristiti besplatno (32.7%)**, zatim u napuštenim objektima (29.3%), na drugim tipovima lokacija (11.9%), na otvorenim lokacijama uključujući autobuske i željezničke stanice (11.6%), u plaćenom privatnom smještaju (8%), plaćenim hostelima (3.9%), improvizovanim barakama ili šatorima (0.5%). Za 1.8 posto migranata, informacija o tipu lokacije je nepoznata. Zanimljivo je da je broj migranata mapiranih u plaćenim hostelima znatno niži nego u prethodnoj rundi i to preko 12 posto. Prema korištenoj metodologiji, migranti koji odsjedaju u plaćenom hostelskom smještaju uvršteni su grupu onih koji ne borave u zvaničnim PPC-ima. Bitno je napomenuti da u PPC-ima ima dovoljno kapaciteta i slobodnih mjesta. Migranti mogu odlučiti da ne borave u nekom od postojećih PPC-a, unatoč naporima IOM-a, SPS-a i drugih humanitarnih aktera koji ih informišu o dostupnoj pomoći koja se nudi u PPC-ima.

3. Broj posjećenih lokacija odnosi se na ukupan broj mikrolokacija koje imaju jedinstvene georeferencirane koordinate. Od ukupno 245 lokacija, na 174 nije zabilježeno prisustvo migranata (71%).

4. Informacija o nacionalnosti je bazirana na deklaraciji migranata



## GEOGRAFSKA RASPOREĐENOST

Više od 63,1 posto migranata izvan PPC-a se nalazi na prostoru Unsko-sanskog kantona (USK), zatim 15,3 posto u Kantonu Sarajevo (KS), 14 posto u Tuzlanskom kantonu (TK), 4,6 u Entitetu Republika Srpska (RS), 2,8 u Hercegovačko-neretvanskom kantonu (HNK). Migranti nisu uočeni u Kantonu 10, Bosansko-podrinjskom kantonu Goražde (BPK) i Zapadnohercegovačkom kantonu (ZHK). Zabilježen je značajan rast od četiri posto, mapiranih migranata u RS u odnosu na prethodnu rundu.


## ZDRAVSTVENE POTEŠKOĆE I RANJIVOSTI

Ovaj upitnik prikuplja informacija o specifičnim pojedinačnim stanjima i ranjivostima među promatranom populacijom. Identifikovane ranjive kategorije predstavljaju 4,4 posto od ukupne migrantske populacije mapirane izvan službenih centara u BiH: **8 djece bez pratnje mlađe od 15, 4 osobe sa medicinskim/zdravstvenim problemima** (1 sa bolovima u leđima, 1 sa slomljenom rukom, 1 sa problemima stopala i 1 sa visokim krvnim pritiskom), **3 djece ispod pet godina, 1 osoba starija od 60 godina i 1 žena koja putuje sama.**

Prikupljanje podataka u ovoj vježbi je bilo usmjereno i na identifikovanje vrste medicinskih problema među migrantima koji borave izvan PPC-a, baziranih na opservaciji od strane popisivača. Na ovaj način se pokušava uvidjeti postoje li nezadovoljene medicinske potrebe, te ukoliko su migranti u stanju potrebe za medicinskom pomoći, da li su istu primili u posljednje dvije sedmice. Od ukupno 13 migranata, koji su izjavili da su bili u potrebi za medicinskom pomoći u posljednje dvije sedmice, **sedam ih je izjavilo da istu nisu mogli da dobiju.**

### IDENTIFIKIRANE RANJIVE KATEGORIJE





## KRAJNJE DESTINACIJE

U Rundi 10, države koje su iskazane kao ciljane krajnje destinacije su Njemačka (49%), zatim Italija (25%) i Francuska (9%). U poređenju sa prethodnom rundom, zabilježeno je povećanje od 17 posto za Njemačku i smanjenje od skoro 20 posto za Italiju.


U Rundi 10, samo je Njemačka spomenuta od strane tri najzastupljenije nacionalne grupa (Afganistanci, Pakistanci i Iračani). Većina Afganistanaca je iskazala namjeru za odlaskom u Njemačku (63%), zatim u Italiju (23%) i po prvi put u Španiju (6%). Ovo je značajna promjena u odnosu na prethodnu rundu kada je većina pripadnika Afganistanske nacionalnosti izjavilo je Italija njihova krajnja destinacija. Većina stanovnika Pakistana namjerava ići u Italiju (55%), zatim Njemačku (34%) i po prvi put u Portugal (64%). Više od dvije trećine intervjuisanih Iračana namjerava ići u Njemačku (84%), dok je za ostale ta informacija nepoznata. Za razliku od prethodnih rundi, i po prvi put nakon marta 2021, Francuska nije spomenuta od strane tri najzastupljenije nacije kao njihova krajnja destinacija

## REFERISANJE I INFORMISANJE

Počevši od Runde 08, ova sekcija je znatno uprošćena kako bi se skratila, te kako bi se izbjegla moguća dupliranja sa drugim aktivnostima prikupljanja podataka unutar DTM operacija u BiH.

U Rundi 10, više od četvrtine migranata (24.6%) je izjavila da u BiH borave između šest mjeseci i jedne godine, 19.4 posto između tri i šest mjeseci, 17.1 posto više od dvije godine (značajno povećanje od 6.3 posto), 13.7 kraće od dvije sedmice, 12.2 posto između jedne i dvije godine, 7% između jednog i tri mjeseca, 2.8 posto između dvije sedmice i jednog mjeseca, a za 2.8 posto intervjuisanih ova informacija je nepoznata. Nadalje, 63 posto migranata iz ove runde je izjavilo da su upoznati sa mogućnošću dobrovoljnog povratka i reintegracije (AVRR) u matičnu zemlju, koju nudi IOM, što je za 10% više nego u prethodnoj rundi. Nadalje, 16 migranata je izrazilo interes za informacijama o legalnim putevima i osnovama za ostankom u BiH, što predstavlja tek 4.1 posto ukupnog broja identifikovanih migranata.

### DUŽINA BORAVKA U BIH



6. Za više informacija o metodologiji, posjetite web stranicu IOM BiH.

## METODOLOGIJA <sup>6</sup>

IOM-ova Matrica za praćenje raseljenih lica (Displacement Tracking Matrix – DTM) je sistem za bilježenje i monitoring migracija i kretanja stanovništva, kao i za redovno i sistematsko dijeljenje informacija. U BiH, DTM prikuplja podatke o kretanjima i shvatanjima po nacionalnim grupama prilikom ulaska u državu kao i broj migranata smještenih u PPC od 2017 godine, kao dio šireg projekta monitoringa miješanih migracionih tokova i boravka kroz rute Zapadnog Balkana i Mediterana Europi. Od 2021., DTM se u BiH koristi i za prikupljanje podataka o prisustvu migranata van prihvatnih centara i za individualne Uputnike o praćenju kretanja (Flow Monitoring Survey) sa migrantima koji borave u prihvatnim centrima.

### Način prikupljanja podataka – 10. vježba

#### Geografska pokrivenost

U Rundi 10, 49 općina u sedam kantona FBiH i pet regija u RS-u su odabrane od strane IOM-a zbog velikog broja prisutnih migranata na tim područjima. Ukupni broj posjećenih lokacija uzima u obzir mikrolokacije. Pod mikrolokacijom se podrazumijeva jedinstvena lokacija sa svojim specifičnim geografskim koordinatama.

#### Ciljana populacija

Stranci koji putuju ili su naseljeni u BiH izvan PPC-a. Migranti koji su već smješteni u jedan od PPC-a nisu uključeni u ukupnu statistiku.

#### Vremenski okvir

Deseta runda je održana 23. februara 2022. godine.

#### Popisivači

Četnaest timova i ukupno 46 popisivača (33M, 13Ž), sa poznavanjem engleskog, arapskog, dari, farsi, turskog i pašto jezika, zajedno sa 13 uposlenika Crvenog križa FBiH (2M) i CKRS ( 9M, 2Ž), 11 inspektora SPS-a (7M, 4Ž), uključujući po jednog u svakom DTM timu, izuzev timova u RS-u, koji nisu imali pratnju SPS-a.

#### Metode prikupljanja podataka

Anketa je dostupna u štampanoj i online/mobilnoj KoBo formi na engleskom jeziku. Svi prikupljeni podaci se spremaju na KoBo Server kojim upravlja IOM sa sjedištem u Ženevi. Uputnik se sastoji od 5 osnovnih sekcija: ukupan broj prisutnih migranata na lokacijama van PPC-a na datoj lokaciji; presjek spola i godina za 5 najzastupljenijih nacionalnih grupa; glavne ranjivosti i zdravstveni problem; osnovne rute kretanja, transport, destinacija; interes za preporukama i dodatnim informacijama. Počevši od Runde 05, uvedeno je dodatno pitanje koje se tiče najzastupljenijih provincija Afganistana iz kojih dolaze migranti, zbog posljednjih događaja koji su se desili u državi.

#### Ograničenja

IOM konstantno unaprijeđuje već uspostavljenu stalnu prisutnost u odabranim kantonima u BiH kako bi mogli pružiti podatke o broju migrantske populacije van PPC-a u određenom trenutku. Vježba prikupljanja podataka je provedena uz sljedeća ograničenja:

1. Geografska pokrivenost je ograničena na određeni broj lokacija u BiH. Od početka projekta u 2021., zahvaljujući dodavanju kantona u FBiH i pet regija u entitetu RS, IOM-ov domet i geografska pokrivenost su se značajno proširili. Uprkos tome, neke ključne lokacije možda još uvijek nisu posjećene.

2. Prisustvo osoblja SPS-a tokom provođenja vježbe omogućuje pristup nekim lokacijama, ali može ometati učestvovanje migranata na drugim lokacijama i/ili uzrokovati pristranost migranata u odgovorima na pitanja.

Sa promjenom godišnjih doba i ruta kretanja, mijenjaju se boravišta migranata što utječe na broj identifikovanih migranata tokom DTM vježbe. Kako bi postojeću listu lokacija ažurirali tako da oslikava trenutno prisustvo migranata u BiH, IOM je proveo vježbu mapiranja, većinski na teritoriji Kantona Sarajevo, kako bi identifikovao nove lokacije na kojima migranti imaju tendencije da borave.